

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-8855500

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



বাংলাদেশে যুক্তরাষ্ট্রের রাষ্ট্রদূত ড্যান মজীনার বক্তব্য

ঝিনাইদহ ক্যাডেট কলেজ

ক্যাডেটদের সংগে উন্মুক্ত সভা

ঝিনাইদহ

১৩ই মে, ২০১৪

ঝিনাইদহ ক্যাডেট কলেজ অধ্যক্ষ লে. ক. বেনজির আহমেদ

ঝিনাইদহ উপকমিশনার মো. শফিকুল ইসলাম

শিক্ষকমন্ডলীর সদস্যগণ

...আর বিশেষ করে...আপনারা...আপনারা, ঝিনাইদহ ক্যাডেট কলেজের মেধাবী ছাত্রগণ

আসসালামু আলাইকুম ও শুভ সকাল

সোনার বাংলা...

...সমৃদ্ধ শব্দ, সুন্দর শব্দ...

...রবিঠাকুরের শব্দ...যে শব্দগুলো প্রতিবার জাতীয় সংগীত গেয়ে ওঠার সময়

আপনারা গেয়ে ওঠেন...

...সোনার বাংলা...

...এক চমৎকার স্বপ্ন, এক চমৎকার প্রতিচ্ছবি...

...সোনার বাংলা...সোনার বাংলা হচ্ছে এমন একটি বাংলাদেশ যেখানে সকলের নিজ পরিবারকে নিরাপদ আশ্রয়, পর্যাপ্ত, পুষ্টিকর খাদ্য, সুস্বাস্থ্যসেবা, মানসম্মত শিক্ষা প্রদান করার সুযোগ থাকবে।

নতুন করে গড়ে ওঠা একটি বাস্তবতা হলো সোনার বাংলা, নতুন বাংলাদেশ।

আমি যখন তেতুলিয়া থেকে টেকনাফ, সিলেট থেকে সাতক্ষীরা, ঝালকাঠি থেকে

ঝিনাইদহ জুড়ে বাংলাদেশে ঘুরে বেড়াই...

...আমি এই চমৎকার দেশের যেখানেই যাই...

...যেখানেই যাই...

...আমি দেখি বাংলাদেশ কত সমৃদ্ধ...

...সবচেয়ে উর্বর জমি, পর্যাপ্ত পানি, তিনটি শস্য উৎপাদনের মৌসুম প্রদানকারী
জলবায়ু, বিশাল গ্যাস মজুদ, বিশাল কয়লা মজুদ, সৌরশক্তির বিশাল সম্ভাবনা...
...আর বিশেষ করে, এখানকার জনগণ...জনগণ...বাংলাদেশের চমৎকার
জনগণ...আমার জানা সবচেয়ে উদ্যমী, বৈচিত্র্যময়, সৃষ্টিশীল, উদ্যোগ নেয়ার সামর্থ্য,
উদার, সহনশীল...জনগণ...জনগণই বাংলাদেশের সবচেয়ে বড় সম্পদ...জনগণ।
জনগণ, বাংলাদেশের চমৎকার জনগণ, যারা বিশ্বের দ্বিতীয় বৃহত্তম হিসেবে দেশের
পোশাক খাতকে পরিণত করেছে...

...যেই জনগণ বাংলাদেশকে খাদ্যে স্বয়ংসম্পূর্ণ করেছে-চিন্তা করতে পারেন যে বিশ্বের
সবচেয়ে ঘনবসতিপূর্ণ দেশ নিজেই নিজের খাদ্য উৎপাদন করতে পারবে?...

...যে জনগণ বিশ্বে প্রতিদ্বন্দ্বিতা করতে সক্ষম ওষুধ, জুতা ও চামড়াজাত পণ্য,
হিমায়িত চিংড়ি, তথ্যপ্রযুক্তি, ক্ষুদ্র মালবাহী জাহাজ, মধ্যপ্রাচ্যে ফুল রপ্তানি, চীনামাটি,
পাট ও রেশম পণ্য খাত গড়ে তুলছে...

...যে জনগণ অন্তঃসত্তা নারী ও শিশুর মৃত্যুহার হ্রাসে বাংলাদেশকে বিশ্ব মডেলে
পরিণত করেছে...যে জনগণ বাংলাদেশী পিতামাতাকে সঠিক পরিবার পরিকল্পনা
কর্মসূচি গ্রহণে সামর্থ্য করে তুলেছে।

আপনাদের পিতামাতা ও প্রপিতামাতাগণ সোনার বাংলা গড়ার ক্ষেত্রে নিজ ভূমিকা
পালন করেছেন...

...এখন আপনাদের সময় এসেছে।

আপনাদের জন্য রয়েছে একটি শিক্ষা বিপ্লব...যাতে সকল বাংলাদেশী শিশু সবচেয়ে
উন্নতমানের শিক্ষার লাভ পেতে পারে, যাতে তারা সোনার বাংলা গড়ার ক্ষেত্রে
সর্বাধিক অবদান রাখতে পারে...

আপনাদের জন্য রয়েছে বাংলাদেশের সৌভাগ্যের সদব্যবহার করা, যে সৌভাগ্যের
কারণে বাংলাদেশ মধ্য ও দক্ষিণ এশিয়া এবং সিঙ্গাপুর, চীন ও অন্যান্য দেশের মধ্যে
বিশাল বাণিজ্যের সংযোগস্থলে অবস্থান করছে।

এই অঞ্চল ও অন্যান্য জায়গায় বৈদ্যুতিক শক্তির, পণ্যের ও সেবার বিপুল সরবরাহে
বাংলাদেশ বিশাল অবদান রাখবে।

আপনাদের জন্য রয়েছে এশিয়ার পরবর্তী অর্থনৈতিক টাইগার গড়ে
তোলা...বাংলাদেশ...রয়েল বেঙ্গল টাইগার।

আপনাদের দায়িত্বটা অনেক বড়...তবে, আপনারা বাংলাদেশের মেরা শিক্ষা প্রতিষ্ঠানের
অন্যতম ঝিনাইদহ ক্যাডেট কলেজে শক্তিশালী শিক্ষা গ্রহণের সুযোগ কাজে লাগিয়ে এই
বিশাল দায়িত্বের সম্মুখীন হওয়ার জন্য নিজেকে প্রস্তুত করে তুলছেন।

যখন এখানে আপনাদের শিক্ষা শেষ হবে, আমি আশা করবো আপনারা নিজ পড়াশোনা অব্যাহত রাখবেন...আমেরিকাতে গিয়ে পড়ার কথা বিবেচনা করবেন...যেখানে বিশ্বের শ্রেষ্ঠ কয়েকটি শিক্ষা প্রতিষ্ঠান বিদ্যমান... ভিসা ও বৃত্তি সম্বন্ধে জানতে আমাদের ঢাকাস্থ যুক্তরাষ্ট্র দূতাবাসের ওয়েবসাইট ও আমাদের ফেসবুক পেজ দেখুন।

যখন আপনাদের শিক্ষা শেষ হবে, তখন আপনারা দক্ষ রূপকার, দক্ষ স্থপতিতে পরিণত হবেন, জাতির স্থপতি, সোনার বাংলার স্থপতি...আপনারা...আপনারা...আপনারা রবিঠাকুরের স্বপ্নের আমাদের সবার স্বপ্নের সোনার বাংলা গড়ে তুলবেন।

মহান ঘটনাগুলো এমনিতে সংঘটিত হয় না, সেগুলো ঘটাতে হয়...আপনারা...আপনারাই এই মহান ঘটনাগুলো বাস্তবায়ন করবেন, আপনারাই সোনার বাংলা গড়ে তুলবেন।
ধন্যবাদ।

=====

বক্তার জন্য প্রস্তুতকৃত